



O Xurado Provincial de Clasificación de Montes Veciñais en Man Común de Ourense, en sesión que tivo lugar con data 21 de febreiro de 2007 adoptou a seguinte

RESOLUCIÓN:

Visto o expediente de clasificación como veciñal e man común do monte denominado Monte de Cestos, tramitado a solicitude dos veciños da parroquia de San Mamede da Canda, resultan os seguintes

FEITOS:

Primeiro.- Con data 7 de maio de 2003 tivo entrada no rexistro da delegación provincial da consellería de Medio Ambiente escrito dirixido ao Xurado Provincial de Clasificación de Montes Veciñais en Man Común de veciños da parroquia de San Mamede da Canda, concello de Piñor, no que solicitan a clasificación como veciñal en man común do devandito monte a favor dos veciños dos lugares que integran a devandita parroquia.

Segundo.- Con datas 17 de xuño de 2003 e 8 de novembro de 2006, o xurado provincial acorda iniciar o expediente de clasificación como veciñal en man común do referido monte, designando instructor e procedendo a realizar as comunicacións e publicacións ás que fan referencia os artigos 20, 21 e 23 do regulamento para a execución da Lei 13/1989, de 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- No prazo concedido para a práctica de alegacións non consta que se presentara ningunha.

Cuarto.- O monte obxecto de clasificación, de acordo coa documentación obrante no expediente, descríbese así:

Concello: Piñor (Ourense)

Denominación do monte: Monte de Cestos.

Comunidade propietaria: veciños de Casfigueiro, Reda, Cotelas, A Folgosa, Freás da Canda, Guimarás, As Lagoas, Porto do Souto, San Mamede da Canda, Vilariño e Mirela, da parroquia de San Mamede da Canda.

Superficie: 14,21 ha, aproximadamente.

Lindeiros:

Norte: camiño que o separa dos predios: nº 122 de Rosario Rodríguez Rodríguez; nº 123, de María Aurelia Rodríguez Bernárdez; nº 194, de Avelina Freijedo Fernández; nº 193, de Nieves Cibeira Pousa e de outros mais; predios nº 192, de José Benito Álvarez Crespo e nº 191, de Pura Concha García García; nº 190, de descoñecido; nº 179, de Rosa González Blanco, nº 178, de Manuel Blanco Rodríguez; nº 180, de Lucía Peña Álvarez, nº 181, de Venerando Pérez Rodríguez e nº 182, de Rosa González Blanco.

Sur: camiño de Cotelas a lagoas; predios nº 397, de Emilio José Novoa Lorenzo; nº 396, de Manuel Gil Rodríguez; nº 395, de descoñecido; nº 394, de María Ofelia Carolina Gil Gómez, nº 393, de Nieves Dorinda Fernández Vázquez, nº 392, de José Benito Álvarez Crespo; nº 391, de Avelina Pérez García; nº 390, de Manuel Ramos Rodríguez; nº 17, de Ramona Pousa Rodríguez e nº 19, de José González Blanco.

Leste: estrada de Cotelas a Lagoas e predios nº 176 e 177, de María Rosa Cibeira Rodríguez.

Oeste: predios nº 361, de Andrés Rodríguez Bernárdez, nº 363, de Teresa González Rodríguez; nº 364, de José Fernández Ledo; nº 365, de descoñecido; nº 366 e 388, de Elenamarta Fernández, nº 367 e 389, de descoñecido; nº 244, de María del Carmen Cibeira Peña, e outras; nº 211 e 120, de

Manuel Cibeira Rodríguez; nº 210, de Manuel Vázquez Álvarez, nº 209, de Regina Vázquez Álvarez; nº 208, de Nieves Cibeira Pousa e nº 121, de Antonio Rodríguez Bernárdez.

FUNDAMENTOS DE DEREITO:

Primeiro.- O Xurado Provincial de Clasificación de Montes Veciñais en Man Común é órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.- de conformidade co disposto no artigo 1 da devandita Lei "son montes veciñais en man común... os que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cuotas polos membros daquelas na súa condición de veciños".

Terceiro.- É reiterada doutrina da sala contencioso-administrativa do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento ós veciños integrantes dun grupo social determinado, independentemente da súa cualificación ou non como entidade administrativa; correspondendo constatar o aproveitamento e atribuír a titularidade a favor do grupo social que o veña disfrutando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes e as actuacións realizadas polo servizo de Montes e Industrias Forestais, sen que durante a tramitación do procedemento se tivese producido reclamación ningunha de titularidade distinta.

En consecuencia co que antecede, vista a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 562/2005, do 1 de decembro, polo que se establece a estrutura orgánica da consellería do Medio Rural, e demais normativa legal e regulamentaria, o xurado provincial por unanimidade dos seus membros.

RESOLVE:

Primeiro: Clasificar como monte veciñal en man común a favor dos veciños dos lugares de Casfigueiro, Reda, Cotelas, A Folgosa, Freás da Canda, Guimarás, As lagoas, Porto do Souto, San Mamede da Canda, Vilariño e Mirela, parroquia de San Mamede da Canda, no concello de Piñor, o monte de Cestos coa descrición reflectida no feito cuarto.

Segundo: Que, en cumprimento do disposto no art. 28 do regulamento para a execución da Lei 13/1989 (citada) a presente resolución se notifique ós interesados no expediente e se publique no diario oficial de Galicia facendo constar que pode ser obxecto de recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben interpoñer directamente recurso contencioso-administrativo perante o Xulgado do Contencioso Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da Lei 13/1989 (citada), nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/199, do 13 de xaneiro, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativo.



Puor (30/12)

P.17

